


41

L O T H I A N Æ D E S C R I P T I O;

Au^{ct}. G U I L I E L M O F O R B E S I O,

Ecclesiæ Ennervicensis Pastore.



Vltra Dumbarum ad Orientem Brumalem tribus millibus passuum sita est Ennervicæ arx & templum Parochiale. Hæc Parochia per Lamirios montes (qui scernunt Lothianam à Mercia) templo ad Fluvium

Bothlæum sito, tribus millibus passuum ad meridiem extenditur: totus hic ager in excelsos montes exsurgit: pleræque tamen planicies; & rivi convalles apricas gramine, frumento, pecoribus & armento non solum fecundas, sed jucundas alluunt. Fons ibi Elmscluckius nobilis, cujus aqua levis, insipida, inodora & ultra omnes purissima & spectatæ diversitatis: nam quatuor uncis levior est omnibus totius Provinciæ aquis, & viscera & hypochondria ob tenuitatem cito deferit: ibi & leporum numerosa cohors, & venatio frequens & celebris; aucupatio perdicum, ardearum, cornicum aliquamulta. A Lamiriis montibus ad orientem solstitialem, versus æstuarium Forthæ, duobus pene millibus passuum planicies modice descendit, hordei, tritici, avenæ & omnis frumentorum generis feracissima, vivariis opulentissima, lucis amœnissima, lactis & mellis fecundissima, adeo ut non immerito

*Si quis in orbe locus Bani præluet amœnis,
Ennervica sibi vendicat una decus.*

A Templo ad orientem solstitialem trecentis passibus est Ennervicæ arx munitissima, pomariis & lucis amœnissima; excelsis rupibus ad orientem, munimentis & vallis ad occidentem impervia, undique inexpugnabilis. Ad rupis inaccessæ radices, torrens spumofus per saxa sonantia dilabitur, gignendæque herbæ non alius est aptior, quicquid alluit floribus vestiens. Platani quoque & Populi contingunt ripas, ita ut procul visentibus continuata videantur collibus nemora riparum. Si oculos longius mittas ad meridiem, mons sterilibus faxis & ericis per summos vertices in nubibus fractus, delectat animum mutatione conspectus, & propinquam felicitatem blandius commendat asperitatis imagine.

A Templo ad occasum pari distantia est Thurstoniæ arx, quæ oblectat oculos alia loci forma, quippe lucus ibi paucis sed proceris di-

stinctus arboribus: hortus deinde in longum porrectus Musis quidem dignus & omnibus Diis, quos cepit stirpium colendarum humanitas. Longum esset singula memorare, ut natura multiplici loci amœnitate ludit; ut exiguuo spatio retulerit omnes formas, quibus omnes regiones variantur. Hic etiam Torrens est, qui per quosdam subterraneos hiatus clam per magnum spatium dilabitur, ubi postmodo emergens erumpit in apertum, denique in Oceanum absorptus omnino evanescit. Piscatura hic satis quæstiosa, sed præsertim mense Augusti, quo tempore examina halecum retibus & nassis involuta, navigiis & lintribus ad portus deferuntur. Sunt & hic duo portus, Soetram & Thornton loch vulgo dicti, navigiis & lintribus commodissimi, sed munimentis & propugnaculis carent, omnia naturæ, nihil arti & industriæ debent. Hic & lapicidina, è qua scandulæ sive petrarum laminæ ædificiis tegendis aptæ eruantur. Hic etiam carbonariæ fornices & optimi carbones eruantur.

Ab Ennervica versus orientem solstitialem mille passibus est Dunglassiæ oppidum, & antiquæ Hummiorum domus rudera lacrimosa, quippe anno Domini millesimo sexcentesimo quadagesimo, tricesimo mensis Augusti, nitrati pulveris vi, cujus in cellis inferioribus maxima copia fuit, munitissima arx cum divite suppellectili in cineres & ruinas seu fulminis ictu abiit. Viros complures eosque claros hæc clades oppressit. Inter quos insignioris notæ viros interiit Comes Hadintonius, arcis præfectus, Provinciæ præpositus Alexander Orestinus Comitis Marciæ filius, Robertus Hamiltonius ejusdem Comitis Hadintonii Frater, Ioannes Kethus Comitis Mariscalli Patruus, Alexander Hamiltonius à Laufield Eques, Ioannes Hamiltonius à Redhous Eques, Gideon Balliolus à Lochend Eques, Iacobus Inglis ab Ingliftoun, Ioannes Comper à Goger, Patricius Hamiltonius, Comitis Hadintonii Frater naturalis, Ioannes Gets minister Ecclesiæ de Bumbil. Præter hos multi (quorum ob immanem calamitatem & stragem confusam & inopinatam non est certus numerus) vel incendio cremati, vel ruinis oppressi & lapidibus collisi interierunt. Nonnulli semitriti